



# SLUŽBENE NOVINE GRADA ZENICA

GODINA LI  
Broj 4

Ponedjeljak, 24. 3. 2025. godine

ISSN 1840-4588

## GRADSKO VIJEĆE

30.

Na osnovu člana 21. tačka 14) Statuta Grada Zenica („Službene novine Grada Zenica“, broj 5/15) i člana 25. Odluke o javnim priznanjima Zenice („Službene novine općine Zenica“, broj 10/01- prečišćen tekst i „Službene novine Grada Zenica“, br. 2/24), na prijedlog Ocjenjivačkog suda za javna priznanja Zenice, Gradsko vijeće Zenica, na 6. sjednici održanoj 18. 3. 2025. godine, donijelo je

### O D L U K U

#### O DODJELI JAVNIH PRIZNANJA ZENICE POVODOM 20. MARTA - DANA GRADA ZENICA

##### I

„GRB ZENICE“ dodjeljuje se:

1. **Elviru Ajanoviću**, za izuzetne zasluge i postignute pozitivne rezultate u djelotvornom radu na unapređenju privrede, turizma, kulture i drugih područja društvenog života u Gradu Zenica i promociji i jačanju ugleda Zenice u zemlji i svijetu

##### II

„NAGRADA ZENICE“ dodjeljuje se:

1. **prim. dr. med. sci. Nermini Rizvanović i prim. dr. Senadi Čaušević**, za oblast zdravstva, izuzetan doprinos medicini, humanosti i zdravlju građana

2. **Tomislavu Kašljeviću**, za afirmaciju Grada Zenica, jačanje njenog ugleda u zemlji i svijetu i poseban doprinos djelatnostima u oblasti kulture Grada Zenica

3. **Afanu Abazoviću**, za izvanredan doprinos u predstavljanju Grada Zenica, za unapređenje kvaliteta življenja, afirmaciju mladih i organizovanje mnogobrojnih planinarskih i turističkih projekata u gradu

Zenica, te jačanje ugleda Grada Zenica u zemlji i svijetu

Novčani iznos javnog priznanja „NAGRADA ZENICE“ utvrđuje se u visini od **2.000,00 KM**.

##### III

„PLAKETA ZENICE“ dodjeljuje se:

1. **Bosanskom narodnom pozorištu Zenica**, za oblast kulture, razvoj i promociju kulturnog identiteta Zenice, dugu i uspješnu tradiciju, te postignute rezultate u oblasti teatarske umjetnosti

##### IV

Javna priznanja iz ove odluke uručit će se na svečanoj sjednici Gradskog vijeća Zenica.

##### V

Ova odluka stupa na snagu danom donošenja i objavit će se u „Službenim novinama Grada Zenica“.

Broj: 01-45-7000/25

Zenica, 18. 3. 2025. godine

PREDSJEDAVAJUĆA  
GRADSKOG VIJEĆA  
Snježana Vrhovac, s.r.

**31.**

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), a u vezi sa članom 64. stav (8) Zakona o zdravstvenoj zaštiti ("Službene novine Federacije BiH", broj: 46/10 i 75/13) i člana 21. tačka 18. Statuta Grada Zenica ("Službene novine Grada Zenica", broj 5/15), Gradsko vijeće Zenica, na 6. sjednici održanoj 18. 3. 2025. godine, donijelo je

**RJEŠENJE****o imenovanju Upravnog odbora Javne ustanove "Dom zdravlja" Zenica****I**

U Upravni odbor Javne ustanove "Dom zdravlja" Zenica imenuju se:

- **Emir Kovač**, diplomirani ekonomista, predstavnik Osnivača,
- **Branka Gajanović**, doktor medicine, predstavnik stručnih radnika Ustanove,
- **Lejla Beganović**, diplomirani pravnik, predstavnik Ministarstva zdravstva Zeničko-dobojskog kantona.

**II**

Članovi Upravnog odbora Javne ustanove "Dom zdravlja" Zenica iz tačke I ovog rješenja imenuju se na mandatni period od četiri (4) godine.

**III**

Ovo rješenje stupa na snagu danom donošenja, a objavit će se u „Službenim novinama Grada Zenica“.

Broj: 01-45-6997/25  
Zenica, 18. 3. 2025. godine

PREDSJEDAVAJUĆA  
GRADSKOG VIJEĆA  
Snježana Vrhovac, s.r.

**GRADONAČELNIK****32.**

Na osnovu člana 10. stav (5) Zakona o porezu na promet nekretnina ("Službene novine Zeničko-dobojskog kantona", br. 6/09, 6/13, 6/18 i 12/20), člana 16. stav (5) Zakona o porezu na imovinu, naslijeđe i poklone ("Službene novine Zeničko-dobojskog kantona", br. 9/09 i 13/11) i člana 34. Statuta Grada Zenica ("Službene novine Grada Zenica", broj 5/15), Gradonačelnik Grada Zenica, donosi

**PRAVILNIK****o izmjenama Pravilnika o načinu rada stručne komisije i kriterijima na osnovu kojih se vrši utvrđivanje tržišne vrijednosti nekretnina na području Grada Zenica****Član 1.**

U Pravilniku o načinu rada stručne komisije i kriterijima na osnovu kojih se vrši utvrđivanje tržišne vrijednosti nekretnina na području Grada Zenica ("Službene novine Grada Zenica", broj 2/23) Tabela 1. i Tabela 2. zamjenju se novom Tabelom 1. i Tabelom 2. koje čine sastavni dio ovoga pravilnika.

**Član 2.**

Ovaj pravilnik stupa na snagu osmog dana od dana objavljivanja u "Službenim novinama Grada Zenica".

Broj: 02-45-6404/25  
Zenica, 18.03.2025. godine

GRADONAČELNIK  
Fuad Kasumović, s.r.

-----

TABELA 1 - POLAZNE OSNOVICE ZA UTVRĐIVANJE TRŽIŠNE VRIJEDNOSTI

## POLJOPRIVREDNOG I GRAĐEVINSKOG ZEMLJIŠTA NA PODRUČJU GRADA ZENICE

	KATASTARSKA OPĆINA	GRAĐEVINSKO	POLJOPRIVREDNO	U KM <sup>2</sup> /m <sup>2</sup>	KATASTARSKA OPĆINA	GRAĐEVINSKO	POLJOPRIVREDNO	U KM <sup>2</sup> /m <sup>2</sup>
1	BABINO	9-35	4-30		21 OBRENOVCI	7-30	4-20	
2	BANLOZ	7-25	4-20		22 ORAHOVICA	6-30	4-20	
3	BRIZNIK	8-30	4-20		23 ORAH POLJE	20-70	10-50	
4	CRKVICE	50-100	20-50		24 PEPELARI	6-30	4-20	
5	ČAJDRAŠ	9-30	4-25		25 PERIN HAN	30-100	20-80	
6	DOBRILJEVO	9-30	4-20		26 PODBREŽJE	20-50	10-30	
7	DOGLODE	7-30	4-20		27 POJSKE	9-30	4-20	
8	DOLIPOLJE	9-30	4-20		28 PONIHOVO	6-30	4-20	
9	G.GRAČANICA	7-30	4-20		29 PUHOVAC	10-30	6-20	
10	D.GRAČANICA	10-40	4-30		30 PUTOVIĆI	12-40	8-30	
11	G.VRACA	7-30	4-20		31 RASPOTOČJE	30-100	12-80	
12	G.ZENICA	10-50	5-40		32 RIČICE	20-70	10-50	
13	GRADIŠĆE	9-30	4-20		33 SEBUJE	10-30	4-20	
14	JANJIĆI	15-50	7-30		34 SEOCI	10-30	4-20	
15	KLOPČE	30-100	20-80		35 STRANJANI	10-40	6-30	
16	KOVANIĆI	7-30	4-20		36 TOPČIĆ POLJE	10-40	6-30	
17	LAŠVA	9-30	4-20		37 VRANDUK	8-30	4-20	
18	LOKVINE	9-30	4-20		38 ZENICA I	50-300	30-150	
19	MOŠČANICA	6-30	4-20		39 ZENICA II	50-600	30-150	
20	NEMILA	9-30	4-20		40 ZENICA III	50-300	30-150	

**TABELA 2**  
**POLAZNE OSNOVICE ZA UTVRĐIVANJE TRŽIŠNE VRIJEDNOSTI**  
**NEKRETNINA- OBJEKATA NA PODRUČJU GRADA ZENICA**

STANOVNI ZONA	OSNOVICA U KM/ m <sup>2</sup>	POSLOVNI PROSTORI ZONA	OSNOVICA U KM/ m <sup>2</sup>
1 ASKA BORIĆA, BRANILACA BOSNE, MOKUŠNICE SARAJEVSKA, BULEVAR EZE ARNAUTOVIĆA I BULEVAK KULINA BANA	3.000,00	1 MARŠALA TITA, TRG ALIJE IZETBEGOVIĆA, LONDŽA	3.500,00
2 BULEVAR KRALJA TVRTKA, NOVA ZENICA ZAVNOBIH, TRAVNIČKA CESTA	2.800,00	2 ASKA BORIĆA, BRANILACA BOSNE, MOKUŠNICE SARAJEVSKA, BULEVAR EZE ARNAUTOVIĆA	3.000,00
3 BABINA RIJEKA, BLATUŠA, RADAKOVO, CRKVICE	2.800,00	3 BULEVAR KRALJA TVRTKA, NOVA ZENICA ZAVNOBIH, TRAVNIČKA CESTA	2.800,00
4 KLOPČE, LUKOVO POLJE	2.000,00	4 CRKVICE, BABINA RIJEKA, BLATUŠA	2.800,00
5. NEMILA, TETOVO	1.700,00	5 RADAKOVO, LUKOVO POLJE,	2.300,00
		6 KLOPČE, TETOVO, RASPOTOČIJE, PEHARE	2.100,00
		7 NEMILA	2.000,00

#### KUĆE

#### GARAŽE, KIOSK, PROIZVODNI OBJEKAT

1 DEVASTIRANI OBJEKTI U GRADSKOM PODRUČJU	500,00	1 OSNOVICA ZA OBRAČUN POREZA ZA GARAŽU JE 50 % OD CIJENE 1 m <sup>2</sup> STAMBENOG PROSTORA U ISTOJ ZONI
2 DEVASTIRANI OBJEKTI U RURALNOM PODRUČJU	250,00	2 OSNOVICA ZA OBRAČUN POREZA ZA KIOSK JE 50 % OD CIJENE 1 m <sup>2</sup> POSLOVNOG PROSTORA U ISTOJ ZONI
3 NEDEVASTIRANI OBJEKTI U GRADSKOM PODRUČJU	1000,00	3 OSNOVICA ZA OBRAČUN POREZA ZA PROIZVODNI OBJEKAT I SKLADIŠNI PROSTOR JE 50 % OD CIJENE 1 m <sup>2</sup> POSLOVNOG PROSTORA U ISTOJ ZONI
4 NEDEVASTIRANI OBJEKTI U RURALNOM PODRUČJU	500,00	KUĆE KOJE SU UPLANJENE, A ZA KOJE SE NA TERENU UTVRDI DA NE POSTOJE (SRUŠENE) PROCJENJUJU SE NA NAČIN DA SE OSNOVICA ZA DEVASTIRANI OBJEKAT UMANJUJE ZA 50%

**POSEBNA ODREDBA:** U ekstremnim slučajevima, kao što je npr. kupoprodaja poljoprivrednog zemljišta velike površine, neuređenog zemljišta koje se vodi kao građevinsko, a po ocjeni Komisije bi bila nužna velika ulaganja za uređenje istog, zatim kuća koje nemaju građevinsku vrijednost, neuslovnih, odnosno u velikoj mjeri devastiranih stanova, garaža i sl., Stručna komisija uz posebno obrazloženje, po potrebi foto ili drugu dokumentaciju može utvrditi i nižu osnovicu od osnovica datih u tabelama 1. i 2. koje su sastavni dio Pravilnika.

**33.**

Na osnovu člana 17. Zakona o unutrašnjem platnom prometu ("Službene novine FBiH", broj 48/15, 79/15 i 4/21) i člana 34. Statuta Grada Zenica ("Službene novine Grada Zenica", broj 5/15), na prijedlog Službe za finansije, Gradonačelnik Zenice donosi

**ZAKLJUČAK**  
**o određivanju potpisnika naloga platnih transakcija**

**Član 1.**

(1) Za potpisnike naloga platnih transakcija sa depozitnog računa otvorenog kod Bosna Bank International d.d. Sarajevo određuju se:

1. Kasumović Fuad, Gradonačelnik,
2. Baručija Adis, šef Odsjeka za računovodstvo i
3. Fejzić Emina, šef Odsjeka za budžet i trezor.

(2) Za potpisnike naloga platnih transakcija sa transakcijskog računa otvorenog kod Bosna Bank International d.d. Sarajevo određuju se:

1. Kasumović Fuad, Gradonačelnik,
2. Baručija Adis, šef Odsjeka za računovodstvo i
3. Fejzić Emina, šef Odsjeka za budžet i trezor.

(3) Za potpisnike naloga platnih transakcija sa deviznog računa otvorenog kod Bosna Bank International d.d. Sarajevo određuju se:

1. Kasumović Fuad, Gradonačelnik,
2. Baručija Adis, šef Odsjeka za računovodstvo i
3. Fejzić Emina, šef Odsjeka za budžet i trezor.

(4) Za potpisnike naloga platnih transakcija sa posebnog transakcijskog računa za sredstva zaštite i spašavanja od prirodnih i drugih nesreća otvorenog kod Bosna Bank International d.d. Sarajevo određuju se:

1. Kasumović Fuad, Gradonačelnik,
2. Baručija Adis, šef Odsjeka za računovodstvo i
3. Fejzić Emina, šef Odsjeka za budžet i trezor.

(5) Za potpisnike naloga platnih transakcija sa namjenskih transakcijskih računa otvorenih kod Bosna Bank International d.d. Sarajevo određuju se:

1. Kasumović Fuad, Gradonačelnik,
2. Baručija Adis, šef Odsjeka za računovodstvo i
3. Fejzić Emina, šef Odsjeka za budžet i trezor.

(6) Za potpisnike naloga platnih transakcija sa posebnog transakcijskog računa za JU Centar za socijalni rad Zenica otvorenog kod Bosna Bank International d.d. Sarajevo određuju se:

1. Kasumović Fuad, Gradonačelnik,
2. Mehić Muamer, direktor JU Centar za socijalni rad Zenica i
3. Baručija Adis, šef Odsjeka za računovodstvo.

**Član 2.**

(1) Za zamjenika potpisnika platnih transakcija sa depozitnog računa, transakcijskog računa, deviznog računa, posebnog transakcijskog računa za sredstva zaštite i spašavanja od prirodnih i drugih nesreća, namjenskih transakcijskih računa iz člana 1. stav (1) do (5) ovog Zaključka određuje se:

1. Imamović Adnan, stručni savjetnik za planiranje i izvršavanje budžeta.

(2) Za zamjenike potpisnika platnih transakcija sa posebnog transakcijskog računa za JU Centar za socijalni rad Zenica iz člana 1. stav (6) ovog Zaključka određuju se:

1. Heco Faruk, šef Službe zajedničkih poslova i
2. Fejzić Emina, šef Odsjeka za budžet i trezor.

**Član 3.**

(1) Ovim Zaključkom stavlja se van snage Zaključak Gradonačelnika o određivanju potpisnika naloga platnih transakcija sa depozitnog i transakcijskog računa otvorenih kod Bosna Bank International d.d. Sarajevo, broj: 02-49-14208/19 od 08.07.2019. godine, Zaključak Gradonačelnika o određivanju potpisnika naloga platnih transakcija sa posebnog transakcijskog računa za sredstva zaštite i spašavanja od prirodnih i drugih nesreća otvorenog kod Bosna Bank International d.d. Sarajevo, broj: 02-11-16908/21 od 20.08.2021. godine i Zaključak o određivanju potpisnika naloga platnih transakcija sa posebnog transakcijskog računa za JU Centar za socijalni rad Zenica otvorenog kod Bosna Bank International d.d. Sarajevo, broj: 02-11-15870/21 od 20.08.2021. godine i broj: 02-11-22364/22 od 01.11.2022. godine.

**Član 4.**

- (1) Ovaj Zaključak stupa na snagu danom donošenja i objavit će se u "Službenim novinama Grada Zenica".

Broj: 02-11-5217/25  
Zenica, 06.03.2025. godine

GRADONAČELNIK  
Fuad Kasumović, s.r.

-----

**34.**

Na osnovu člana 63. stav (3) Zakona o zdravstvenoj zaštiti ("Službene novine Federacije BiH", broj: 46/10 i 75/13), člana 25. Odluke o zadržavanju osnivačkih prava i usklađivanju organizacije Javne ustanove "Dom zdravlja" Zenica sa zakonom ("Službene novine općine Zenica", broj: 6/12), člana 29. Statuta Javne ustanove "Dom zdravlja" Zenica broj: 5689/12 i OU-01-1-37-656/22, a u vezi sa članom 34. tačka 6) Statuta Grada Zenica ("Službene novine Grada Zenica", broj: 5/15), Gradonačelnik Grada Zenica, donosi

**ZAKLJUČAK****o davanju saglasnosti na Statut Javne ustanove "Dom zdravlja" Zenica****I**

Daje se saglasnost na Statut Javne ustanove "Dom zdravlja" Zenica, shodno Odluci Upravnog odbora Javne ustanove "Dom zdravlja" Zenica, broj: OU-01-50-57316/25 od 03.03.2025. godine.

**II**

Ovaj Zaključak stupa na snagu danom donošenja i objavit će se u "Službenim novinama Grada Zenica".

Broj: 02-45-5112/25  
Zenica, 05.03.2025. godine

GRADONAČELNIK  
Fuad Kasumović, s.r.

-----

**35.**

Na osnovu člana 6. Zakona o javnim preduzećima („Službene novine Federacije BiH”, broj: 8/05, 81/08, 22/09 i 109/12), člana 234. Zakona o privrednim društvima ("Službene novine Federacije BiH", broj: 81/15 i 75/21) i člana 18. i 21. Statuta Javnog preduzeća „Vodovod i kanalizacija“ d.o.o Zenica ("Službene novine općine Zenica", broj: 5/06, 3/07, 7/07, 1/12 i "Službene novine Grada Zenica", broj: 3/15, 6/21, 3/23 i 2/24), na prijedlog Nadzornog odbora broj: 100-1962-2/25 ŠS od 17.02.2025. godine, Gradonačelnik Grada Zenica vršeći ovlaštenja Skupštine Javnog preduzeća „Vodovod i kanalizacija“ d.o.o. Zenica donosi:

**ODLUKU****O IZMJENAMA STATUTA JAVNOG PREDUZEĆA „VODOVOD I KANALIZACIJA“ D.O.O. ZENICA****Član 1.**

Ovom odlukom vrši se izmjena Statuta Javnog preduzeća "Vodovod i kanalizacija" d.o.o. Zenica („Službene novine Općine Zenica“, broj: 5/06, 3/07, 7/07 i 1/12 i „Službene novine Grada Zenica“, broj: 3/15, 6/21, 3/23 i 2/24).

**Član 2.**

U članu 21. stav (1) briše se alineja 2. koja glasi: „davanju saglasnosti na donošenje, izmjene i dopune pravilnika o radu i drugih općih akata koji regulišu unutrašnju organizaciju i sistematizaciju radnih mjesta, plaće i naknade radnika“.

**Član 3.**

U članu 22. stav (1) briše se alineja 3. koja glasi: „provodi postupak i odlučuje o donošenju, izmjenama i dopunama pravilnika o radu i drugih općih akata koji regulišu unutrašnju organizaciju i sistematizaciju radnih mjesta, plaće i naknade radnika“.

**Član 4.**

U članu 22. stav (1) u alineji 8. tekst: „donosi“ zamjenjuje se tekstem: „razmatra“.

### Član 5.

U članu 27. stav (1) u alineji 9. briše se tekst koji glasi: “davanje prijedloga za“.

### Član 6.

U članu 27. stav (1) u alineji 10. tekst koji glasi:

“pribavljanje prethodne saglasnosti Skupštine preduzeća za donošenje, izmjene i dopune pravilnika o radu i drugih općih akata koji regulišu unutrašnju organizaciju i sistematizaciju radnih mjesta, plaće i naknade radnika“, mijenja se i glasi: „izradu provedbenih propisa za postupak nabavki kao i za provedbu zakona o javnim nabavkama“.

### Član 7.

Svi akti Preduzeća će se uskladiti sa odredbama ove odluke najkasnije u roku od 60 dana od stupanja na snagu.

### Član 8.

Ova odluka stupa na snagu danom donošenja i objavit će se u „Službenim novinama Grada Zenica“.

Broj: 02-45-3734/25

Datum: 20.02.2025. godine

GRADONAČELNIK  
Fuad Kasumović, s.r.

-----

---

## S A D R Ź A J

### GRADSKO VIJEĆE

30. Odluka o dodjeli javnih priznanja Zenice povodom 20. marta - dana Grada Zenica 1
31. Rješenje o imenovanju Upravnog odbora Javne ustanove "Dom zdravlja" Zenica 2

### GRADONAČELNIK

32. Pravilnik o izmjenama Pravilnika o načinu rada stručne komisije i kriterijima na osnovu kojih se vrši utvrđivanje tržišne vrijednosti nekretnina na području Grada Zenica 2
33. Zaključak o određivanju potpisnika naloga platnih transakcija 5
34. Zaključak o davanju saglasnosti na Statut Javne ustanove "Dom zdravlja" Zenica 6
35. Odluka o izmjenama Statuta Javnog preduzeća „Vodovod i kanalizacija“ d.o.o. Zenica 6